



COMUNU DE CABUDERRA

Tzitadi Metropolitana de Casteddu

DELIBERATZIONI DE SU Consillu COMUNALI

N. 02 DE SU 31/01/2023

OGETU: MOTZIONI ASUBA DE S' AVALORAMENTU E CUALIFICATZIONI NOA DE IS ÀREAS IN FORAS DE IS SCOLAS PO SA PROMOTZIONI DE UNU MODELLU PEDAGÒGICU NOU.

S' annu 2023, su 31 de su mesi di Gennàrgiu a ora de is 18.00, in sa sala de is adunàntzias, s' est atobiau su Consillu Comunali in setziada Straordinària de Primu cunvocatzioni.

Sangunau e Nòmini

Garau Beniamino
Lilliu Susanna
Cabras Silvia
Magi Francesco
Caruso Luigi
Marras Gianluigi
Congiu Francesco
Melis Carla
Corda Silvano
Meloni Gavino
Coronas Maria Lucia
Nasca Michele
Cugis Erica
Piano Stefano
Demuru Efsio
Piga Beniamino
Dessì Francesco
Puddu Maria Bernadette
Dessì Giuseppe
Serreli Rita
Frau Luigi

Presenti

Eja
Eja
Eja
Eja
Eja
No
Eja
No
Eja
Eja
Eja
No
No
Eja
Eja
No
Eja
Eja
Eja

Presentis: 18

Ausentis: 3

Pigant parti a s'atòbiu is assessoris comunalis: Sorgia Silvia, Garone Katuscia, Frongia Pietro, Solinas Marco;

Pigat parti a sa setziada su Segretàriu Generali Sa Dotora Felicina Deplano;

Su Visu Presidenti de su Consillu, Dessì Giuseppe, de chi at averiguau ca su nùmeru de is presentis est cunforma sa lei, de crarat aberta sa setziada, chi si fait in direta streaming.

Su Presidenti de su Consillu Comunali Giuseppe Dessì, presentat sa chistioni chi fait parti de s' Agenda de is traballus po sa dii, cun ogetu "*MOTZIONI ASUBA DE S' AVALORAMENTU E CUALIFICATZIONI NOA DE IS ÀREAS IN FORAS DE IS SCOLAS PO SA PROMOTZIONI DE UNU MODELLU PEDAGÒGICU NOU*" e torrat su fueddu a sa Consillera Puddu M. Bernardette, Presidenti de sa de 4 Cumissionis permanenti Políticas Culturalis e Formativas, chi chistionat de sa motzioni promòvia de sa Cumissioni;

Apustis sighint is interventus de is Consilleris:

Piga B; Lilliu S; Demuru E.; Magi F.; Sindaco Garau B.

Sighit sa de crarazioni de votu de:

- sa Cons. Lilliu S.; su Cons. Piga;

Su Presidenti de su Consillu fait votai sa motzioni afatanti:

“Postu chi

is àreas birdis in foras e a ingiriu de is scolas e is giardinus scolàsticus funt unu valori in prus po is pipius e is piciocheddus de su territòriu e in is ùrtimus annus, siat in Itàlia chi foras de Stadu, funt nascendi unus cantu progetus de rivalorizazioni de is àreas birdis de is scolas, po ddas imperai in is atividadis scolàsticas cun modellus educativus nous po torrai a pensai su logu innui fai letzioni, finas in is àreas in foras de is àulas e in mesu de sa natura, ca funt medas is stùdius scientìficus asuba de su profetu de s'imperu didàticu de is àreas in logu abertu, innui ndi bessint a pillu melloramentus connitivus e in is competènzias sotzialis, finas po su chi pertocat is pipius cun bisòngius educativus spetzialis. Sa pandemia de Covid-19 at fatu scoberri àteras maneras de sotzialidadi, torrendi a imperai is àreas in foras de is scolas e sa letzioni in logu abertu. S' Istitutu Natzionali Documentazioni Innovazioni Circa Educativa (INDIRE) su 16 de martzu 2016, at presentau a su cumbènniu internatzionali "*Ambienti per la formazione. Ambienti di formazione*"(Ambientis po sa formatzioni. Ambientis de formatzioni) a s' Università de Kassel in Germània, su manifestu "*1+4 logus educativus po su millènniu nou*", promovendi unu logu educativu de generazioni noa, profetosu po una didàtica noa, e finas a fai cresci un' idea noa po s'agatai beni in scola;

Ca:

- sa lei n. 23/1996 cun ogetu: "*Normas po s' edilizia scolàstica*" disciplinat in s' Art. 3 is competènzias de is entis localis in chistioni de edifitzius scolàsticus, po su prus in su c.1 si narat ca "*ponendi in aplicu s' Art.14 (c.1, lìtera i) de sa lei 142/1990, traballint a sa frunidura e a sa mantenidura ordinària e straordinària de is edifitzius: a) is comunus, po cuddus destinaus a sedi de scolas maternas (de pipiesa), elementaris e mèdias*";

- in s'art. 3, c. 2, custa lei narat: "*is comunus e is provìnzias depint provedi fintzas a is àterus gastus de ufitziu e de arredu e a is gastus elètricus e telefònicus, po s' àcua e su gas de is impiantus*" e in su c.3 narat "*is pròpius entis depint provedi fintzas a fai arrespetai is normas de seuresa*";

- s' arrelata chi ddi nant "*FUTURA - Progettare, costruire e abitare la scuola*" cunsiderat s' ambienti esternu che a "*una sighidura de is ambientis internus*" e narat "*is àreas de foras iant a depi essi atzessìbilis a manera discansosa de is àulas, ma finas de laboratòrius, bibliotecas, logus a cumoni e de ristorazioni, agiumai in una sighidura de imperu po si ndi fai meris. Pratzas internas, cortis e*

àterus logus funt utilosus po mediai sa partidura intre sa parti de àinturu e sa de foras de un' edifitziu. Is coberturas in foras podint serbiri acanta de is intradas, finas po is atividadis didaticas, ca faint oprigu."

Ca:

- sa Cumissioni Consiliari Políticas Culturalis e Formativas cumpetenti in chistionis de Istruzioni Pùblica, de chi at averiguau ca unas cantu scolas de su territòriu no podint imperai is àreas esternas, nimancu po arrecru, at stabiliu de averiguai is edifitzius scolàsticus de su Comunu de Cabuderra:

Scola mèdia de Poggio dei Pini

Scola materna de Poggio dei Pini

Scola elementari de Residenza del Poggio

Scolas de Corte Piscedda (elementaris, maternas e mèdias)

Scolas elementaris de Bia de Caprera

Scolas mèdias de Bia de Amendola

Scola materna, elementari e mèdia de Frutti d'Oro

Scola elementari de Residenza del Sole

Pigau atu chi:

- is àreas esternas de medas scolas, po su chi pertocat sa seuresa, presentant unas cantu fartas, finas po su chi spetat sa mantenidura de is àreas birdis, arresurtat chi sceti is scolas maternas (de pipiesa) imperant is àreas in foras po atividadis didàticas e de arrecru, ma custus logus no funt progetaus a manera atziva po sa didàtica, ca no nc' at erba o ddoi at giarra acanta de is giogus; duncas is àreas esternas de is scolas elementaris de Residenza del Poggio, gràtzias finas a una donatzioni de su Rotary Club de unu pradu, funt is ùnicus logus chi si podint imperai po fai didàtica;

Ca:

- oindii ddoi funt unus cantu strobis e criticidadis a s'imperu de is àreas esternas de is scolas de su territòriu innui, francu in sa scola materna, no si podint fai nimancu atividadis de arrecru;

Cunsiderau:

- ca s' Aministratzioni Comunali bolit promovi e agiudai is istitutus scolàsticus e is studentis a progetai sa didàtica finas in is àreas esternas de is scolas;

SU CONSILLU COMUNALI

Biu su Statutu Comunali;

Biu su Regulamentu de Funtzionamentu de su Consillu Comunali;

DELÌBERAT

Cunsiderau su chi ddoi at in susu, sa Cumissioni Consiliari Políticas Culturalis e Formativas bolit fai pigai s' impinnu de parti de su Sindigu e de sa Giunta a:

- 1)torrai a cualificai e annoai is àreas scolàsticas esternas innui no siat possìbili fraigai a nou;
- 2)circai is resursas chi serbint po assetiai is àreas esternas de is scolas de dònna òrdini e gradu;
- 3)aprontai unu stùdiu progetuali chi sigat is linias pedagògicas noas cun unu traballu de s' Aministrazzioni Comunali paris cun is Dirigentis Scolàsticus e is docentis de su territòriu;
- 4)promovi e avalorai custa realidadi pedagogica noa innui siat is àreas aìnturu chi is àreas in foras de is scolas funt cunsideradas logus po s' atividadi educativa, punnendi a un' educatzioni ecològica noa.

SU CONSILLU COMUNALI

Cun votazioni a parti e a totòmini decrarat custu atu esecutivu, cunforma a s' art. 49 de su D.L. gs 267/2000.
